



徐文長集 二二四



庫 文 閣 內		
函	冊	號
四	一〇	三六〇二
架	九	類
		漢 書

庫 文 閣 內		
函	冊	號
三	一	三六〇二
架	七	類
		漢 書

內 閣 文 庫		
番 號	漢	3602
冊 數	10 (2)	
函 號	317	135



徐文長文集卷之一

淺草文庫

公安袁宏道中郎評點

門人閔德美子善校訂

賦

涉江賦




襟期超曠

晉潘岳作秋興賦序稱三十有二歲始見二毛時岳

為賈充掾寓直散騎之省見省中多富貴人乃起歸

想及作閒居賦自述多落而少遷以見拙宦雖

退休然念前賦而觀之誠見其嗜醇醲而姑言



寂寞也。嘉靖壬子秋，余年亦三十有二，既落名鄉試，涉江東歸。友人顧予鬢，曰：子髮白矣。余誠懼理道無聞而毛髮就衰，至於進退之間，實所不論。雖才不逮潘岳而志或異焉，乃作涉江賦以自見。

壬子季秋，予既被棄，涉江東歸。水深則厲，僕痛主困旅多太息。夕發西陵，日高造閩，涓既登一枝之堂，俯而拜母。母曰：兒復如是歸乎？兒則困窮，兒好顏色，兒腹應饑為兒作食。既乃涓復往舊託之禪室，掩關戶於砧刻嗒然，其坐忘焉。乃有二三伯仲來相問視，顧

盼之間，指予鬢而謂曰：子髮白矣。年其幾何？吾則宜然。如子則那？予聞斯言，不能無逆傾冠側首，伯為子擢擢不應手。體短善脫，不脫而獲如萸萸酒。伯仲謂予豈以憂故？進退有時，失得有數。予告伯仲：予豈不知細故芥蒂何足以疑人生之處世？今每大已而細蟻視聲利之所在，今水趨壑而赴之，量大塊之無垠。今曠蕩蕩其焉期計四海之在天地，今似罍空之在大澤。中國之在海內，今太倉之取一梯物以萬數，而人處其一則又似乎毫末之在於馬厓。彼營營之微。

聲沾沾之細利又何殊於曳蟲股嘍蠅脾入孔穴實糧齋第因小而形大曾一蟻之何加再語伯仲更聽子陳無形爲虛至微爲塵塵有隣虛塵虛相隣天地視人如人視蟻蟻視微塵如蟻與人塵與鄰虛亦人蟻形小以及小互爲等倫則所稱蟻又爲甚大小大如斯胡有定界物體紛立伯仲無惟目觀空華起滅天外爰有一物無罣無礙在小匪細在大匪泥來不知始往不知馳得之者成失之者敗得亦無罣失亦不脫在方寸間周天地所勿謂覺靈是爲真我覺有

變遷其體安處體無不含覺亦從出覺固不離覺亦不卽立萬物基收古今域失亦易失得亦易得控則馬止縱則馬逸控縱二義助忘之對外寇易防竊發莫支外寇形呈竊發暗來積上漸高爲九仞臺九仞一虧終爲阜丘子斯之憂他奚愴懷伯恠子髮良亦有說男子六八陽氣衰竭膚面焦枯鬚髮頰白斯人稟常萬古一齟稟完後老缺者早泄曷知小子不稟其缺年三十二形則六八又予視髮玄緇白希遠窺不得逼視始知不審其變在何歲時豈以茲秋謂予

憂爲

牡丹賦

風華典瞻豈次梗諸君可辨

同學先輩滕子仲敬嘗植牡丹於庭之陞春陽既麗
花亦嬌鮮過客賞者不知其幾數日搖落客始罷止
滕子心疑而過問渭曰吾聞牡丹花稱富貴今吾植
之於庭毋乃紛華盛麗之是悅乎數日而繁一朝而
落儵兮游觀忽兮離索毋乃避其涼而趨其熱乎是
以古之達人修士佩蘭采菊茹芝挈芳始既無有乎
穠豔終亦不見其寒涼恬淡容與與天久長不若茲

種之溷吾黨也吾子以爲何如渭應之曰若吾子所
云將盡遺萬物之濃而取其淡樸乎將人亦倚物之
濃淡以爲清濁乎且富貴非濁貧賤非清客者皆麤
主則爲精主常矚然而不緇客亦胡傷乎隨寓而隨
更如吾子懟富貴之花以爲溷已世亦寧有以客之
寓而遂壞其主人者乎縱觀者之倏忽爾於花乎何
讐諒盛衰之在天人因之以去留彼一貴一賤而交
情乃見苟門客之聚散於翟公其奚尤子亦稱夫芝
蘭松菊者之爲清矣特其脩短或殊榮悴則一子又

安知夫餐佩采摯者之終其身而守其朽質也則其
於倏忽游觀者又何異焉滕子顧予曰有是哉子盍
爲我賦之涓曰唯唯何名花之盛美稱洛陽爲無雙
東青州而南越曾不足以頡頏稟陰陽之中氣兮雖
未必其記載之盡信視衆卉以獨妍兮真若悉有萃
乎水土之精光始山間之幽寂處天后之帝鄉后始
命移以入內兮備宮樹之列行亦何心於貴賤視用
舍而行藏茲上代之無聞始絕盛乎皇唐爾其月陂
隄上長壽街東張家園林汾陽宅中當春光之旣和

藹亭榭之載營天宇曠霽兮絲游景物招人而事起
彼貴子兮王孫蹙游龍於流水遶茲葩而密坐藉芳
草而芊芊感盛年之若斯傷代謝之能幾爾則粉承
日華朱含霧雨群蒂如翔交柯如拒凌晨併粧對客
不語衛尉出婢子於羅幃鄂君擁翠被於江渚當其
百藥千芽照耀朱霞綠葉紛紜望之轉睎若儒生之
授學列女樂於絳紗迨夫背戶迎窻上下甍簷二三
作隊矯矯愈鮮飛燕進女弟於遠條夫人挾三國而
朝天錦瓣重捲檀心飛屑柔須夜殷怒苞曉決宛婦

姑之反唇似相稽而無說則有若盛時合沓諸娣從韓姑以同歸颯焉凋衰漢主放宮人而憎別風薦小爽雨委微温楚姝舞歇於章臺陳后泣罷於長門亦有細加巨上慎妃橫逼座之勢紫侍黃側班姬抗同輦之尊或勁而印婕妤好當逸熊於上殿或翹而望處子窺宋玉於東垣既離以披亦競而駢近不極態遠不盡妍大彷彿乎佳麗意思所想而隨存奚援引之數姝可罄比而殫論然渭嘗聞如來演法在彼鹿園菩薩莊嚴衆二十五寶髻鬢髮珠璣瓔組佛之勝相紫

金光聚大衆威儀具八萬數又聞崑崙閻風土城瑤宮神人飛行綽約玲瓏雲態雪光不可殫窮夫人之心想由習生景與想成一牡丹耳世人多謂花如美婦則前所援引諸姬群小之所象是也使玄釋之子觀之遠嫌避譏則後所援引大衆群仙之所象是也今此花長於學士之庭在仲敬之宅仲敬將謂此花申申天天行行閭閻佩玉瓊琚鼓瑟鳴琴其仲尼與七十子諸人乎縱謂其婦人也稱煩則太姒始至宮人欣欣琴瑟鐘鼓樂而不淫乎稱簡則二女湘君尋

帝舜於蒼梧之野。宓妃盤姍。解佩環於洛水之濱乎。此皆不以物而以已。吐其醜而茹其美。畔援歆羨與世人之想成者等耳。若渭則想亦不加賞。亦不鄙我之視花如花。視我知曰牡丹而已。忽移矚於他園。都不記其婀娜。籍紛紛以紘紘其何施而不可。

鞠賦

幽烈清疎伯仲長公秋陽雅酒

渭既賦牡丹。滕子復申辭曰。曩吾之庭牡丹春華。菊英秋發。吾子抽精於彼而絕響於此。母亦如吾所謂避其涼而趨其熱者乎。渭曰。有是哉。子之善戲而挾

也。乃筆不停綴。詞不及展。遂賦曰。誰乎誰乎。芒芴曷常。春至麗日。秋臨抗霜。彼亦何熱。此亦何涼。惟付與之。是聽非知。計之可詳。履子廣庭。視茲烈芳。繁名相之別。數亦芟莖之異。萌染不出於五色。維其變之莫量。歷九秋而自如。周數望而靡謝。從顏色之中。乾永附蒂而不舍。於時白帝司辰。冽冽辛辛。木葉下而草萎。霜露降而鴈征。乃自圃畦。遷爾廣楹。一則不足。百尚有羸。群而不黨。矜而不爭。槩望若結伴。而違俗。單玩則各立。而獨行。乘金令而始拆。秉土氣之正。精雖

雜采之。並敷惟彼黃之盛榮。諒盈庭而冒錦。亦剖符而塗金。耀愈澤而不妖。烈無吹而自馨。方辭謝乎徑塗。處規埴而託身。非瓦礫以爲嘉。存大朴之希聲。彼主人兮。誰子懷高廓兮。心貞秉圭璋之潔白。樹文學之干旌。則有幽人處士。墨卿逸史。候節序之高朗。知寒燠之迅駛。弭蓋於門。肅隊而至。或移觴而就筵。賦篇章而未已。爾則不以物驚。不以物喜。挺危朶而愈勁。舒正色而不媚。匪鉛華以事人。多君子之枉戾。豈無人而不芳。亦胡庸以采佩。當夫青陽發生。桃李盛

花名園如霰。上國如霞。嚶好鳥其載鳴。將何物之不化。胡爾類之自矜。乃偃伏其萌芽。迨寒氣之始肅。日馳驚乎南陸。雲慘淡而無光。野何萌而不縮。爾乃自耀其孤標。眇賤同而貴獨。謂所性之若斯兮。或未必其盡然。夜不可以爲夙兮。晨不可以爲昏。苟榮悴之有時。奚爾類之能專。將推之而不後。抑挽之而不前。彼蒼厚爾以遲莫。又何辭於末年。紛後先亦何心兮。避桃李之盛時。抗素秋而挺茂兮。終焉保其不衰。至乃微霜襲宇。驚飈振帷。萼紺紫而不起。葉比次而下。

垂。閒。閒。字。兮。無。人。悅。星。月。之。懸。輝。則。有。似。乎。貞。女。永。
絕。乎。夫。君。放。臣。懷。國。而。酸。悲。尹。子。履。霜。於。中。野。蘇。武。
嚙。雪。於。沙。陁。在。顛。沛。而。愈。厲。至。九。死。其。靡。違。外。容。色。
之。凋。傷。實。中。心。之。永。矢。嗟。主。人。之。懷。抱。美。材。質。之。修。
嫿。逾。盛。年。而。云。邁。稍。凌。夷。乎。未。路。荷。蒼。蒼。之。爾。私。兮。
又。何。病。於。遲。莫。日。中。晏。而。彌。烈。兮。金。粹。精。於。融。鑄。直。
守。貞。而。罔。渝。於。茲。英。其。何。負。余。假。托。以。抒。忱。兮。信。毋。
必。而。毋。固。

荷賦

言詞俊摹寫靈

渭。既。賦。牡。丹。與。菊。仲。敬。復。請。曰。天。有。四。時。花。有。四。品。
夏。荷。冬。梅。子。獨。無。意。乎。含。毫。續。藻。俾。世。稱。四。賦。此。雖。
小。圃。之。光。而。亦。吾。子。之。麗。也。余。不。得。辭。因。復。命。筆。塊。
連。抱。之。大。甕。立。階。楹。以。踟。挹。三。尺。之。清。水。實。五。石。
之。泥。淤。葩。燁。燁。其。盈。把。芳。霏。霏。以。滿。除。逼。而。就。之。欲。
語。不。語。徐。察。其。意。若。有。告。訴。吾。凌。波。之。逸。卿。而。擁。蓋。
之。公。路。也。遠。祖。當。春。秋。吳。越。之。世。逢。時。遭。偶。居。若。耶。
之。溪。歐。冶。子。淬。劍。之。處。也。自。會。稽。達。剡。水。溪。長。所。澗。
淡。蕩。香。里。沙。白。泥。肥。雜。蘆。與。葦。種。類。繁。生。多。不。可。紀。

則有乍決半舒小朶大蓋短佇長竦低垂迅起柔標
勁節疎陳密倚或向日而併嬌或從風而自靡其乍
決也儼華燈之笑焰其半舒也宛新月之過朏其小
朶之開群仙合掌而數甲斯尖其大蓋之盤古佛瓊
身而千目其皆短跂則蠻奴踉以貢珍長竦則山峰
矗而攢翠低垂挂馬肝而始到迅起樹羽蓋而仰綴
標有柔而將隨節有勁而示刺疎陳或約隊而未過
密倚疑附耳而不置向日併嬌未足稱妍從風而靡
曷以揚麗香不烈而愈恬色彌天而不媚其房之俯

仰也則有似乎客主之既闌更舉爵而飛杯其葉之
掀翻也又有似於兄弟之寢與共長枕而大被是以
飲風露而華采集鳥魚而游戲五月清涼三伏不暑
曠漠之區煙波之宇根蒂懽娛枝葉容與花神每遊
息以無窮生意亦隨之而不去吾子不聞王之後宮
名西施者乎采掇不盈觀者如市羨我顏華中心如
駭此固千載之所美談而風人之所載記豈若茲主
人之處我也陶以為沼以灌以壅覆之井幹以制以
控苗藥抽莖束不得縱炎暑結棲鄰與魯閔豈俊臣

之見推而請君入於是甕實遭時之不偶。爲觀者所侮弄。是以見先生之來有不能以言通而謬以意動者也。余應之曰。何子見之不廣也。吾聞自子之先以至於子。皆得以君子名者。豈以託居之廣大而顧盼之光榮乎。直幹不撓。虛中無物。竅多比于之心。清映伯夷之骨。含芳烈其愈。溫處驕炎以不熱。眇可望而莫親。殫易事而難悅。翩颺欲舉。挺生冰雪之姿。瀟灑出塵。不讓神僊之列。是以映清流而莫增其澄。處汚泥而愈見其潔。且吾子既不染於汚泥矣。又何廣狹之差別。縱遭時有偶與不偶。何託身有屑與不屑。花乃垂頭默然似失仰而微笑。似有所答。知君子之令名。非外物以丹腹於時。遊魚躍於梗底。翡翠集於房側。微風芬以襲衣。纖月高以映枕。乃命主人酌酒而別。

梅賦

有徐庾之麗而徐庾無其峭

往予薄游海外。聞羅浮之勝而未得登焉。蓋昔所稱入夢之種。不可得而見之矣。涉冬出大庾。見庾嶺之梅。則多麤理而絳襦者。歎抵玉山人言東嶽之奇。往

觀焉則見其孤生瓌古偃伏廻卷一花千葉並蒂數
萼忽上竦而扶踈者歟至於依山臨澗覆橋橫野間
松雜竹屋角墻茨境非不美也未聞其走馬而征輿
豈非品質靡異類別有區人固玩視其習而好言其
殊爾其孤稟矜競妙英雋發肌理冰凝幹膚鐵屈留
連野水之煙淡蕩寒山之月葢一攢而集霞葩五出
而爭雪側披斷磧委朔風其將吹忽上高空助凍雲
之欲結杪數英之半掬中萬斛之一搏古幹橫肱玉
龍游而張甲編條聚腦白鳳戢以梳翰珮玦續紛何
啻凌波之子肌膚綽約無言姑射之仙趣將幽而見
取豔以冷而為妍溫香氣於空表弄皎色於霄端瘦
影橫窻矐然山澤素竟麗壁忽爾嬋娟託使將傳寄
江南之遐信隨風暗度報塞北以春天羌笛一聲韻
全飄於纖指素琴三弄神屢託於冰絃是以古道清
流墨工圖史或物之為一窩亦種之於數里圍棋酌
酒相與偃臥其中落月迴風務印縱橫之所彼稱旣
醉逼清氣而不勝我則含毫占春光於長住斯亦可
謂一節之高而未足以盡曠然之意乃有巖居之徒

溪飲之老短褐黃冠龐眉壽考跨蹇策筇熱漿烹藻
望谷口以窮搜坐石頭而拂掃亦有游心道德之儒
含思風雅之伯讀易說詩於其下咏騷作記當其處
飛觥爵於彌留顧徘徊而不去景得人而益增人因
景而標致斯風格之雅幽而韻調之殊異亦足以快
心暢神洗囂破滯又何羨乎羅浮之竒而東嶽之麗
且余觀夫梅之爲物也得氣之先得液之酸酸者木
之正味先者序之履端先則渾淪龐篤含泰和而獨
飽酸則甘辛鹹苦受何味而弗便含之飽者發斯盛
便以受者和必完是以先驅百卉遂占上林之花
齊五味兼濟商鼎之鹽其始也點綴文章洩天地之
春於一夜其終也調和頤養收天地之功於萬全曾
不知其處寂寞而貞厲守冷素以自恬悠揚乎松菊
之圃盤錯乎水石之間風飈撼之而不動瘴癘攻之
而罔顛雪霰既零條枚益肄陰幽外氣陽氣內漸迨
花實之致用歷世味之飽諳何桃李之弱質敢先後
以齊肩苟天將降是人以大任察物理而明其固然

前破械賦 趣

嗟乎哉西河殘守東海孝婦差之豪釐千里岐路寸
脰尺支二木一金昨日何重今日何輕其在今日也
栩栩然莊生之爲蝴蝶其在昨日也遽遽然蝴蝶之
爲莊生

後破械賦

爰有一物制亦自斑鶴喙不啄琴體乏絃乃偕二友
木寶金紐與之爲三脰及足手一人邇之不棺而朽
多其高義隨我四年我分殉之何心棄捐二三神明
駕鶴其首司其去留爲我撞剖嗟乎哉爾完我死爾
破我生破完倏忽生死徑庭可不慎乎敢告司刑

畫鶴賦

工部進鵬得此有匹

朱冠縞衣四池玄緣鐵脰昂尻金眸夾顛長喙易渚
圓吭聞天乘寥廓之高抱小蒼莽之微騫忽一舉而
追九萬之翼亦孤栖而養千歲之玄爾其焦山瘞銘
桂陽避彈道林縱歸揚州負纏乘軒衛國徒傳甲者
之言聞喉華亭誰共吳儂之歎由此觀之則形骸易
泯此傷悲不勝留影之難楮墨如工返壽終身之玩爾其砥
筆和鉛徵精召巧或磅礴而解衣亦凝澄而命草想

徐文長文集 卷一
仙羽而彷彿於青田。揮束穎而希冀其玄妙。則有翩然以臨。劃焉凝佇。矯矯波間。亭亭松際。黃樓酒價全憑。橘藩而高。赤壁夢回。徒憶車輪之翅。乃若素壁財粉。朱門始光。徐展玉輪。高懸玳梁。數丈輕綃。方挂瀑一雙。語燕忽驚。行灑孤雪。今龜頂股。荔而氏昂。方拂瀾而振翔。亦將嘯而引吭。屢以爲真儼。致花之粉蝶。久而始覺。誤集障之蒼蠅。然則物固往往有神於繪。而便於玩者矣。又何必網兩翼於蒼蒼。

緹芝賦

飭詞妍美

繫探珠之巖榭。迫臨鏡之波館。地並秀以雙美。氣偕和而競煖。爰有物以名芝。忽卷然而從。窾如茁玉。而束瑤。旣扞輪而揭。繼下縞練以裼。中上緹縹。而表袒。皚薄雪之將霏。載形雲而未斷。巨者二咫。映彼湖荷。小者徑尺。燦竹妍柯。河邊織錦。掇支機而罷籽。漢宮剪綵。停寶鏡以羞羅。使君溫恭。崇抑斥揚。歛襟下問。爲爰爲祥。旣登覽乎隅椒。復臨泛乎汪洋。恐盛德之點壁。惟僮步以循墻。爾其芝固無言。默呈以露。吐瑞藹之氤氳。儼郁霏之煙霧。芳嘒嘒以襲衣。裊亭亭而

後漢書卷一
幕素遶數尺之玄壤。瑟遇離而奄布。示彼絕竒逸於
往。賸非家積之餘慶。符天心而易故。於是使君讓之
不可推之不去。把酒號曰。子爲我賦。卽斯語而宮商。
謝不敏。今恐負。亂曰。使君玉除盛芝英。今一貢廷。今
兩侍於楹。今斯爲之徵。今使君眇痾匪蒸。成兮芝草
生。今采以鑄。今壽百齡。今斯爲之馮。今

十白賦 有序 亦諷亦悲

予被少保公檄自獲白鹿而令代表於朝。始
其後踵至者凡十品物聚於好。殆非虛語歟。
時予各欲賦以諷公未能也。公死於華亭氏
予寄居馬家飲中燭蝕一寸而成十章諷固
無由且悲之矣。

鹿二隻

爰有二鹿。雪皓霜瑩。後先互呈。以雌以雄。合八蹄而
兩角。蹲並壁以交。穹桓桓撫臣。敢告。世宗謝山海
之萃。食仰芻豢於上宮。諒遭遇之有時。胡人與物而
匪同。

兔

謝彼月輪來此人間朗晴珀赤妙毳雪寒豈韓盧之
可獵與鬼蜮而共跚曩者食客之謀匪爲營於三窟
今也走狗之鑊潛垂涕以雙潺

鵲

即使常羽亦且知歲矧伊白鵲而胡不葦匪舍疆以
效鵲詎攫雛而學鷲秋梁作架宜並色於
幻騰羞托翼於金墜

猴

瓊赤玉誤
爲白沿耳

人亦有言王孫可憎衣以周公裂冠毀纓胡是物之
善幻脫蒼鞞以膚瓊莫四朝三豈狙公之可掛既冠
且沐致韓生之就烹

鸚鵡

昌黎二鳥賦云
白鶴亦與貢

鸚鵡來巢春秋紀之皜皜其翎曷其有之我在幕中
實維皆之不貢於
廷拚然起之

鸚鵡

黃冠白章其鳴嘒嘒殊彼凡羽綠襟朱喙柰此條籠
將飛復墜我則禰衡賦罷隕涕

龜四

念寶龜之素甲。羗迸迸。今冰雪載九疇。而出洛帝與
茲而借錫。雖入網於豫。且苦靈骨之就鑽。亦托跡於
莊周。恍曳尾而超越。

麋

拾遺有言。微聲及禍。視爾霜質。秉金畏火。踵白鹿而
後來。既已非時。向青草而長。庶庶其得所。

鼠

聞爾貪殘。曷能冰潔。乃縞膚而素毛。矯變縑而為白。
獨不聞胡粉之晶晶。今始黝於鉛黑。

黃頭 時賞羅者頗溢

鳥曰黃頭。猛以善鬪。白乘金精。儼爾介冑。虞人網以
奏功。如拔猛士於千夫。幕府喜而錫金似擲。拯士於
一覆。

徐文長文集卷之二

公安袁宏道中郎評點

門人閔德美子善校訂

樂府

張家槐

樂府俱近古惜拘於古

張家槐鵲巢枝使君纔出戶闔扉鞭行人上及飛
彈鵲母連鵲卵鵲母棄雛走何所曙衙開邸報來使
君朝去鵲莫歸

悲喪歌

吳人饗越人俎一臠忤舌死杖下肉少甘骨爲土

歌風臺

時漢高將夷英彭諸猛又知猛者守欲背故曰安得和葛鄂州作

醉媪酒臥媪壚武家壚畔鼾呼呼豐沛中群酒徒噉
季鼻大糟所都誰喚隆準而公乎十二年左燾還着
紅衫應午炎七尺所臨萬馬環諸王列侯敢不虔獵
徒酒伴隘巷看獨召故老金爵乾惜青春赭朱顏乃
思猛士得將安歸問野雞還我韓

又

鄂州篇衡縣權涓也俯拾所殘悲異代良楚酸謂河
高水流拍天渭兩過之河未然麻姑量海海愁淺三
尺鳥爪沒至鼾大家作計一何長請看何人偏墮短

又

英彭不雌季心所猜今布越耳終當爲豨終當爲豨
不如我先之舊所得猛士十當一無遺十既一無遺
安得不歌以思

又

騅渡江八千從非父老是使彼安識籍與梁巴蜀公
編新城奉三老教發帝喪義兵若河日以東乃知王

者師上親長禮教下首功蜀公親歷效驗明乃知猛士難四方守易戰攻誰兼不蹄買蹠驄擊太牢祀鄴鄉聽叔孫通徵魯諸生驚禮四公遠來于商

予嘗夢晝所決不為事心惡之後讀唐書李堅

貞傳稍解焉

堅貞十七之死靡他去聲數夢男子百兩以御叶貞覺而志莫知其謂華盛來胥蝶也我貌未悴廢沐垢首塵膚敗裳如葉未秋虐使萎黃自茲以往夕寢旦覺角雀謝穿筐梅罷標卷婁雖羶理不樂蟻矧已肉矣曷

感而蛾

音宜

萬有膠鞮曷可詰呵皇矣上帝其將謂何

六昔

昔朋友雉與鷓不得已今為梟 昔骨肉鶩與鴨不得已今為鶻 昔宗親鵲與鶉不得已今為鷓 昔官府騶與虞不得已今為虎 昔乳煦汗血駒不得已今於菟 昔黔蒼萬夫英今視之蠅所生

徐文長文集卷之三

公安袁宏道中郎評點

門人閔德美子善校訂

四言古詩

鴈臺詩

陸子嘗買鴈放之因以爲號又鴈臺在杭江干

左江右湖名，山有臺近陽。背陰鴈爲之，來江海之大。
贈繳九矢，待鴈不來涼。空覆水，主人有馬，客亦有舟。
出自郭門，於焉遨遊。群焉以栖，人亦鴈爾。莊周爲蝶，
孰揆厥理。買鴈放生，入雲出塞。有問炙者，張目不對。

徐文長文集卷之三
土魯番貢獅

羗飯官驛斯物不的官馬當災騰于馬春俛嚙以牙
嗜馬肉炙四蹄裂馬如人裂帛獸威孔武觀者色沮
媚此羗胡若媚其母余呀以咨羗曰余乳當其出穴
若嬰離襦不見牝獅惟見我哺斯言不欺梁鴛養虎

徐文長文集卷之三 終

徐文長文集卷之四

公安袁宏道中郎評點

門人閔德美子善校訂

五言古詩

與林玉兩上人登會稽最高山山出秦望上率
可五六里玉公早有來歸之意因賦以止之

茲山一何爲仰首摩青雲遠去氣色古氣色古混沌儻未分
小盼涉陝洛毋乃隔夕曛中有舊社址尚見數偶群
短草覆井水遠松貯氛氳薄雲在其下猶羃高頂墳

玄釋諒能居人世未可云念子覺無上夙昔斷羶葷
焉能繫不食焉得不耕耘况茲值秋陽寒氣慘不聃
未可來居斯語子以慇懃

來晨憇廣孝寺

中唐雅調

可憐荒宇在於焉恣游賞古砌伏野草唯餘聖賢像
巨礪指高樹御墨浮天上昔人不在斯悠然引遐想
曙入鳥初散道寒露猶瀼回睇高山岑翻然策筇杖

登秦望山

素情忻晏遊碩人事永矢上此萬仞山復沿北溪水
顧瞻江海流神去蒼茫裡後峰千里來旁嶂兩川起
往昔窻中翠今茲巔上視佳哉是觀游吾鄉亦信美

沿秦望溪水

流水澄若無溪魚宛遊空磊磊聚圓石澹蕩偏能工
高寫象山曲伏響迴草中何朝飲麋鹿蹄踪去難窮
秦望山東南下折有峰紫鐵色錯豎似花蓋土

人呼雄鵝突余贈名花蓋峰

聳秀

錯如鐵色紫出土幾千古寒空蓋尚繁秋水蓮難吐
刻削差可擬帶插不添嫵宛如齒齟齬張吻訟所苦

行... 卷四
三
千秋獻組繡，名號未得主。直少讓中岑，他山視應父。
借言花蓋峰，來春開何處。

海樵山人新構

古莽伏圓址，新構敞方榭。去家不百步，連山凡幾架。
衡門夾楸欄，卑池注微瀉。群峰列窻牖，佳木依簷瓦。
碑碣墻垣中，階級陂陀下。曠霽坦以來，遠暮蒼然化。
亭北指夕月，高臺嘯清夜。嘉賓燕屢入，麗人時或迓。
臥榻楔巖石，旁戶達僧舍。主人胡不歸，樵海未云罷。
東樵遡遊風，於茲焉息駕。

又曲池

濬池疊青山，山色落池裡。上栽百歲樹，下週三折水。
日夕衆鳥下，客至數魚起。助筵摘果實，開蕪種芋子。
上山一以望，高城正東迤。波漾堂壁瑩，野濶登覽美。
羨子善結架，多在聚景址。彼亭旣孤絕，茲地何曠爾。
與楊子完步浣，紗溪梁有懷西施之鄉。聞俊
明月照江水，截梁與子步。當時如花人，曾此照鉛素。
江流不改易，月亦無新故。薄雲淡杪林，晴沙泛寒露。
借言伊人閨，應在煙生處。

讀莊子 可慨

莊周輕死生，曠達古無比。何爲數論量，生死反大事。乃知無言者，莫得窺其際。身沒名不傳，此中有高士。

海上曲

雪隱城月高，使君梯樓坐。縣綆訊謀士，但自苦城破。問賊一何多，數百餘七箇。長矛三十六，虛弓七無箭。腰刃八無餘，徒手相右左。轉戰路千里，百涉一無軻。發卒三千人，將吏密如果。賊來如無人，猝至使君下。

又

暇日棄籌策，卒卒相束手。四疆險何限，但阻孤城守。曠野獨匪民，棄之如棄草。城市有一夫，誰不如木偶。長立睥睨間，盡日不得溲。朝食雪沒脛，夜臥風吹肘。彼亦何人斯，炙肉方進酒。

日暮進帆富春山

日暮帆重征，江濶眇無度。峰翠逐岬來，樹幹參天去。千里始此行，一日卽羈旅。石瀨駛清磷，雪壑聳殘素。回睇吳山岑，蒼蒼眇煙霧。

發嚴州舍舟登陸縱步十五里憩山麓叢榛遠

眺江中恠石

乘舟坐無聊，遵途听轉杳。急流赴海馳，恠石橫江倒。
仰睇峯崎側，惟見蒼翠矯。覆莽映赭壁，枝弱不勝鳥。
縣崖窄可步，聚纜密如篠。舟子勿前征，前路煙生草。
將至蘭溪夜，宿沙浦。語句恍惚太初。

中夜依水澤，羈愁不可控。遠火澹冥壁，月與江波動。
寂野聞籟微，單衾覺寒重。託踪蒲稗根，身共鷗鳧夢。

早發僊霞嶺

似杜紀遊諸詩

披衣陟崇岡，日中下未已。雄偉奠兩都，噴薄走千里。

百折翠隨人，一望寒生背。高卑互無窮，參差錯難理。
蔓草結層冰，喬木秀懸藟。晝餐就村肆，小結依崖址。
去壑知幾重，刻竿引澗水。回視高峽巔，鳥飛不得比。

自浦城進延平

溪山孕鐵英，恠石穿水黑。馬齒漱寒流，冶火融初滴。
方艇走石罅，白日飛霹靂。操舟信有神，出入坦然適。
以知庖丁者，游刃有餘歷。循理稱達人，險難亦何感。
夜宿丘園喬木蔽，天大者幾十抱。復有修藤數

十尋縣絡溪渚

老樹拿空雲長藤網溪翠碧火冷枯根前山友精崇
或爲道士服月明對人語幸勿相猜嫌夜來談客旅

涪澹灘

黑鰲穴地出噴沫從天下春雪跌深潭驚雷迸鐵鐺
回思身所經險怪幾日夜老石萬片焦飛湍千里射
藥叉窺綠淵人命輕一詫或似鼓太冶青銅沸將瀉
女媧撒餘礫頑查攪不化念彼既憮然值茲殊可訝
短檠起沈舟凸字換深窰因之誤絲髮長與世人謝
浪怒一何愚終古不得罷有時搏陰巖寒色慘朱夏

借言呂梁叟何時咨閒暇余雖愧達人笑對成一嚇

閩溪舟槩
形如凸字

泛舟九曲

老王亂青冥皇天夜遺蛻餘骨散九州頭顱此焉寄
人視萬劫餘天意一夕計遊艇沸滄波髮鬢熱管衛
亭午入數折冲然元氣閉縣峰昇羽人毛竹倚仙姊
辟彼齒牙蠹生死齟齬內世人不解竒但識世間事
示之帝所遺惟以溪山睇

武夷道士示予魏王子騫蛻首見紫氣

不。死。者。已。去。死。者。留。人。間。骨。骸。自。何。夕。飛。置。山。之。顛。
 取。視。始。伊。誰。縣。綆。月。屢。牽。而。不。如。餘。鬼。安。臥。攢。青。蓮。
 道。士。苦。斯。役。留。函。閣。高。椽。過。客。好。竒。異。啓。閱。請。自。便。
 茲。物。真。仙。靈。磊。磊。黃。琅。堅。高。頂。泥。丸。宮。紫。氣。猶。一。弦。
 晦。明。準。天。時。白。黑。互。糾。纏。胡。為。黃。冠。流。示。人。禍。福。先。
 為。予。而。變。易。無。乃。勞。子。騫。玉。蘊。山。色。輝。斯。理。良。自。然。

丙辰八月十七日與肖甫侍師季長沙公閱龕

山戰地遂登岡背觀潮 竒縱

白。日。午。未。傾。野。火。燒。青。昊。蠅。母。識。殘。腥。寒。脣。聚。秋。草。
 海。門。不。可。測。練。氣。白。於。擣。望。之。遠。若。遲。少。焉。忽。如。掃。
 陰。風。噫。大。塊。冷。艷。攔。長。島。恠。沫。一。何。繁。水。與。水。相。澡。
 玩。弄。狎。鬼。神。去。來。準。昏。曉。何。地。無。恢。竒。焉。能。盡。搜。討。

十八日再觀潮於党山

秋。水。自。生。幻。海。若。安。指。手。驚。雷。砑。雪。獅。萬。首。敢。先。後。
 山。窺。本。避。濡。俄。驚。足。下。吼。老。壁。拍。波。塵。千。仞。落。衣。袖。
 望。窮。不。見。外。激。灑。明。滅。久。人。天。儼。未。消。劫。火。燒。宇。宙。
 往。昔。每。一。凭。恐。怖。經。旬。書。那。知。迫。視。惟。其。怖。應。不。朽。
 豈。惟。我。恐。怖。天。地。亦。應。有。景。往。目。既。遷。恐。怖。亦。却。走。

蕭荷花祠

俗傳露筋娘
娘者即此

荷花一夕凋。萬里秋無色。獨遺花烈芳。千秋襲陂澤。
揚舫溯大湖。風緊日已夕。水鳥習舊栖。戢羽茭菰白。
弔古解維舟。去岍不盈尺。秉燭寒繡帷。金翹儼宮額。
燭滅颯然中。神爽凜孤鬼。念此芒吻微。奚啻雄虺索。
豈無冶容膏。貞肌以為臙。念茲不能忘。惆悵至明發。

送明教往上海

翫雪東門家。天寒雪正下。繁林積素花。群山映簷瓦。
杯至不得休。語密不可罷。鳥集池樹顛。色暝天欲夜。
顧予同心人。而有太息者。云我為道謀。安得與君舍。
余為重解疏。歛襟向前謝。超言雖遣累。離緒難釋罣。
駕言春陽初。那得便徂夏。執手歸路中。衝寒為君話。

寄善畫葛君

展箋不盡規。墨色鮮於洗。細圖萬壑雲。寄我青山裡。
感之不能忘。聊寄短篇耳。

入燕 近選體

董生抱利器。鬱鬱走燕趙。賤子亦何能。飄然來遠道。
行止本無常。譬彼雲中鳥。朝飲西園池。暮宿北林杪。

後文長文集 卷四
感事復懷人生年苦不早欲弔望諸君跡陳知者少
垂首默無言春風秀芳草

古山篇贈余君

漸近自然

余君本今人而有懷古思三年臥白雲一醉撫流水
握管掃素箋閉門謝時事懶與今人交自號古山子

贈陳君

忱直

珍木無弱羽廣川饒勁鱗
皇都鬱嵒峩多士如繁
星陳君在鄉曲少小馳芳聲去我三百里可望不可
親昨予志廣覽自越之燕京見君長安道一問知姓

名却復訊動止握手爲予陳自愛相公知忽忽復幾
春一朝去鄉校今作太學生言濫動有禮志壯氣自
信哲顏口若海豐下而長身再往論文史終夕如倒
困藻思蔚以妍儼與骨相并王良御八駿技絕物有
神一日驚千里安得留其行念予復南去攬策臨修
程小見同越鳥祗入槍榆群思君不能置短篇陳素
情

戒舞智

富非聖所却貧乃士之常華屋非不美環堵庸何傷

多才戒舞智善閉靡不彰舞智向愚者弄偶於偶場
偶自不知弄爾弄何所償舞智向智者譬以光照光
彼光不受照爾照何由揚舞智兩不售不舞兩不妨
請君聽予言作善降百祥

寄彬中

似太白古風

鄴下老韋布能活刀下人魯連劇排難安得專其名
不見申包子含悽哭秦庭萬馬度關隴救郢却吳軍
側聞同心人急難等赴焚秦師不可出大義凜已明
裁傾本莫致安命以爲貞

答和公旦

高垣沼我驅棘刺長如荻松柏年十寸至今長五尺
一朝鎚籠藩小鷗決蓬習忽逢東來鴻相煦以雙翼
逝焉渺長江別子當幾日不能偕我飛一顧一悲嘸

雪

屋腐隙西椽密雪夜如織朝窺牀簾頭白糝高一尺
側身不敢搖寒籠戢僵翼伴侶同苦辛何從乞漿食

寄王子心葵

殊古

葵花似君心向日解違陰葵葉我所愧有足不能衛

與君夙相知。把葵吳山時。今日相思處。南冠繫楚纒。

寄陶工部

短劔在匣中。秋水蓮花芒。芒色豈不好。終為人所防。
所貴金玉資。含輝有餘光。諒哉工部君。璠瑜映明堂。
熏風動九夏。鳴音來鏘鏘。至寶吐洪亮。不特華澤芳。
沈思不能寐。攬衣視河梁。

筠石篇

意色幽蒼

片石插寒塘。泠泠箭竹黃。誰提數寸管。坐到一秋長。
我亦耽清致。傳聞今幾霜。翻飛乏羽翼。那得到君旁。
想見莓苔綠。坐令毛髮蒼。壘膝嘉肺中。望斷雲根觴。
今我操題處。青棘披孤墻。日影淡無色。十月梅早芳。
欲折以寄遠。無此長臂攘。料理竹下人。應少寒枝香。

蔣扶溝公詩并序

零陵蔣先生者。迅鷗鵬之遐翮。秉龍蛇之屈
伸。嘗欲頂摩青天。手弄白日。不着上下。以栖
混元。早歲妍精孔孟。含藉六經。故說有談空
不詭。止道昔嘗出宰。扶溝晚節。薄遊四方。挂
冠拂衣。如漚在海。雖隨光揚。波於上代。魯連

高蹈於海濱禦寇埋名於鄭圃先生放縱於
吾越可謂閉戶造車出門合轍者矣渭伯兄
淮恬澹厭俗弱齡訪道垂五十春玄室冥奧
未睹宮墻遭先生遡舟閩粵放於山陰邂逅
天緣值諸行道顧盼之間疑謂異人遂數語
浹襟懸榻彌月過蒙收畜列諸僕御之徒既
而先生鴻跡遠曠再渡錢塘期許後來意得
執鞭長侍豈謂造物苛猛未更寒暄伯已化
爲異物烏乎陵海尚變人壽幾何金丹未成
玉顏曷駐渭每念此可謂寒心先生哲人擬
以導指南向耶頃者又將浮湘江並九疑直
指芝田家門一入渭於斯際能不依依夫兄
所師表弟胡不爾恐塵凡之姿仙聖所拒嗟
哉死者已矣生人去焉存亡惕心未以爲好
異日吸沆瀣之精景陟壺嶠之福庭飛九還
之丹火騎八極之游氣則天凡殊塗相見無
日緬哀伯氏重以離衷因獻五言

伯氏頗好道終歲事修服道上逢異人髭鬚灑林竹

徐文長文集 卷四
修禮重致問。德音美如玉。扣之轉微茫。焦螟游廣漠。
冀得長奉侍。雙飛向王屋。人命安可期。天猶互寒燠。
念別正徂暑。墓草已更綠。瀼瀼日中霜。亭亭風際木。
逢師苦不早。煉攝總成哭。

柳浪堤楚頌亭二首為溧陽史氏題

夾岍千章柳。青春翠浪浮。如將曲池水。共作遶堤流。
長蛇偃青蔭。水鳥悅芳柔。試於垂縷處。一繫木蘭舟。

又

屈子頌匪今。軾也志空寓。千載伊誰子。后皇錫嘉樹。

曾剡刺崇檐。青黃揉麋阼。

見離騷

永與茲亭留。不遷乃

其素。

昨見與下首俱佳

昨見食偶者。析偶以為薪。零星椎股脾。寸尺移尻臀。
心胷本無有。斧亦集其垠。辟彼偃師工。立剖瞬者身。
彼偃師者。析庸以免其嗔。免嗔豈得已。為薪豈無榛。
何忘食女德。辛苦二十春。食偶者答言。當其為偶辰。
我即薪視爾。爾自不我知。我志如此矣。我欲爾也歌。
爾即軒厥舌。我欲爾也舞。爾即蹈厥趾。我怒爾唇闔。

後文長文集 卷四
我笑爾唇啓凡我所控提爾卽如我自爾自不覺知
昧我蓄薪志

偶也

偶也難億詐爲魚豈無知假令魚爲偶亦安避薪爲
此亦豈無謂聽我歌此詞當魚在沼時沼濶不容坻
沼旣不容坻研復朝洗之洗多墨豈少墨積盈沼池
從此再三洗噉噉恒在茲唇外無滴滴縫唇墨卽入
何況相沫唏君在大氣中塞海皆氛霾君今口與鼻
能免不埃噫蘇武在虜中磕頭皆羊羝死生憑羝輩
起處亦羝隈豈惟起處隈嬉寧謝羝嬉君儕人如此
而況我也魚我聞君里諺契我魚也志非伴情所知
事急隨則隨

狐粉

狐妖幻黛粉窈窕美佳人慕予且宜笑情好緣相親
物與人異調孰識僞與真答子以慇懃靡曲匪好音
魅也一朝敗情歇音則存我欲灰茲音匪乏煬與薪
譬以寶貽魅寶旣不我存何由奪而燼存此貽魅曲
以不磨魅愆

補屋

儼居已六年瓦豁綻椽縫每當雨雪時舉族集盆甕
微溜方度楯驟響忽穿棟有如淋漓辰米麥決篩孔
五月候作梅一雨接芒種茵耳花篋衣爛書揭不動
樵子不上山薪炭貴如礦生平好樓居值此念愈踴
數椽猶儼人安得峻櫨拱買瓦費百錢已覺倒囊籠
命工勿多攤擘艾聊救痛

作松棚 豪快

種松六萬餘千五百株活長養二十年大者僅如括
一區齋落日多六月苦炎熱鄰園樹木稀遮翳不可得
顧言種樹資求用此時節命兒召兩傭伐幹并其鬣
幹以需柱梁鬣以備周匝四垂慎勿早涼風任超越
時移一丈板獨踞文竹兀伸紙二丈餘舉墨陡一潑
左盤持蟬螿右壘把饕餮挂衣梅葉梢綠陰灑晞髮

理葡萄 興趣幽

去冬雪作殃無物不凍死橘袖斷衢州松柏亦多痺
圍有月支藤盤屈四五咫結實苦不多一斛有餘委
迨其堪落時九九挂璫水一日十挈竿與鳥爭啖舐

將以餽隣翁竊恐晒微細欲以什果坊不足一食費
幽之瓶盎間漿潰敗其脆渴夜艱茶湯暫可灌消肺
比者理舊須應手落枯瘁及至更提攜僵梗忽斷碎
如人兩手足而痿其一臂支幹既以孤收獲焉可倍
夏景苦桑榆聊以障西墜

刈圃 似韓

草孽始一寸及壯丈有餘豈直藪卽帶兼以館蚊胥
夜熱不可寐寧止不露居竊恐值此葦股解遭其阻
就占擬厥罪蚊也尤其渠其他不出境惟此遠追趨

穿幃眇紈塵打撲不勝劬更番以迭進安得盡屠該
聚響苦不震萬穀啾嬰雛工者攪夢寐一夕百起呼
蚊孽固莫通草實主其追呼童問腰鎌不用安所須
薙此忽如掃一翅不得儲譬彼塞垣莽往往伏戎胡
打冰燒其荒窟穴空妖狐莫謂野人賤刈圃非雄圖

鼉磯研

研封石鄉侯隃麋墨也新樂者青州王也

向者寶端欵近復珍鼉磯在海感蛟蜃文理多恠竒
白者爲雪浪星者黃金泥碎者銀作砂角者絲纏犀
舉手摸其理索索銛響飛分符軍石鄉庸以塵隃麋

曩者辱新樂遠寄青州來一夕忽失守仍召頑滑資
一字十研磨一行百推移淹此斫陣馬羈控不得馳
乃者董文學匣有方尺儲舉以爲我贈與新樂不殊

問軍中之系於國用

吾宗兩支其一雖衰而時一振尚有

仕者最衰者則我之支也

對子

延而

吾宗異秦嬴秉德嗜仁義縣延值盛明仕版頗齒
齒先人秉魚須聯蟬及諸季列秩下大夫往往有三
四迨及賢科書至今時一綴萬木有榮凋一體互強
脆屈指四紀來學痺劇一臂耕者鬻其鋤賈者降爲

僉士者無一人慵者倚而待飽者幸免饑饉者幸未
可至論胤嗣間十室九蜂蠹墓寢蒸禴時顧影兀孤
介甚者之繼承餒鬼滿蒿薶余雖有兩兒性頗飢簡
册飲牛未渴辰按項不能俛緣茲傷後昆思欲請先
代念彼從戎人蔓遠瓜尚帶况值用也來舉扣其大
槩彼衰更倍茲擲筆爲一慨

避暑豁然堂大雨

可謂無景不寫

梅候苦歔蒸幸得五日霽涼風驅濕魍秦功未全濟
眷言高山顛有堂敞西翠松篁作籟竿蕭颯爽神智

乃借二三子挂絺於其地買酒穿市中炮鼈腥道器
止取醉飽爲安能謹趨避袒跣擇樹依叫號枕磚甃
郡邑迫東廂狂來忘邏逮井井日將傾理筇方卽邁
雷雨自西來初尚雜晴蜺一言未及終振瓦落簷外
衝風捎健鶻寸進得丈退高景殊卑觀竄鳥在眉際
本言迓炎苛翻令咏竒致百事兼熊魚往往弄着意

哀駱懷遠公驗詞

懷遠好詩什近體有佳聲遲余去五泄深衣遠相迎
長身而瘦頰自有山澤清命酒不停筆酒罷有餘情
迨子歸來後往往問寢興翫肩腊松火柿縷霜秋晴
寄此遠筐篚兼致倡與賡何時臥狸首聞之使心驚
道遠不得往通此泉下羹

野蠶

幽細却自老

越桑雖云盛不及吳中繁越女賣釵釧僅可完蠶山
如斯苦拯救良亦可憫憐如何野蠶種孳息多今年
曳絲滿郊郭食葉留其觔葉葉如蟲網枝枝垂釣緡
涎縷無所用膠衣黏頭巾過者苦拂拭桑女交攢輦
提筐往西園空手歸東隣卽欲買釵珥有錢無桑村

後文長文集 卷四
嗟彼機上杼，秋來鮮聞聲。匪來猶可說，國輸良有程。
衣食無二理，蠹衣與食均。嘗聞捕蝗法，及此同瘞焚。

范母詩

卽燦母

秉節三十年，萬有二千夕。一夕改霜心，曉鏡換粧額。
范母二十二，獨居在羅幕。五十七乃亡，天長日幾落。
獨持一寸冰，萬古膠夜席。當夏不得融，何況秋霜白。

白鷗

錢子易書故曰三
孫蓋鏐之後也

野性悅鳥魚，客寓尚籠致。正如好竹人，借居亦栽蒔。
鷗鳥自南來，買入西河里。王孫好法書，籠以易吾字。

墨絲繡雪衣，綠罽作襜褕。有時轉喉中，鷺若嫋雲際。
日夕湖水波，秋樹葉微紫。送客不出門，白玉掃長葦。

越王暉寺有僧歐梵蛻

味如薄日幽花

伯圖旣灰寒，衲蛻亦禪冷。都付墮工泥，迅矣千秋瞬。
我來值桃花，有似蝶遺粉。一宿歸去來，晨齋飽蔬笋。
子效索贈其兩叔

勞子爲我言，翁去不復活。骨鬼旣已寒，生事亦不熱。
多我諸父慈，視侄等見列。時時惠釜錘，廚中作糜啜。

送章蒲圻之官

嘉禎

傾蓋語日斜肉風吹兩竅惜哉越雞翰遇鵠不能抱
眷言激獎私忽駕就遠道尚矣漆園心爲吏不敢傲

柳元穀以所得晉太康問冢中杯及瓦券來易
余手繪二首券文云大男楊紹從土公買冢
地一丘東極闕澤西極黃騰南極山背北極
於湖直錢四百萬卽日交畢日月爲證四時
爲伍太康五年九月廿六日對共破剪民有
私約如律令詳玩右文似買於神若今祀后
土義非從人間買也二物在會稽倪光簡冢

地中於萬曆元年掘得之地在山陰二十七
都應家頭之西尚有一白磁獅子及諸銅器
銅器出則腐敗矣獅尚藏光簡家 閩有黃

免窰

遙思冢中人有杯不能飲孤此黃免窰伴千三百稔
券鏹四百萬買地作衾枕想當不死時用物必必甚
尊壘羅寶玉裘袂賤繡錦豈有纖纖指捧此鍛泥葦
存亡隔一丘華寂逾千仞活鼠勝死王斯言豈不審

又

古人笑不飲此說豈無見五斗叫劉伶哀來淚如霰
嗟彼太康子冢中亦杯坵固知好飲徒無咽可澆
嚙杯出黃土中忽復受傾灌譬彼避秦人乃不知有漢
我欲學盧充詣市賣金盃庶幾遇小姨知是崔氏玩

送蘭公子

阿翁學師也揚州人

耶溪芹藻色相伴秋荷老公子竭重來傷心那可道
會日苦無多相別一何早八月廣陵濤一葉波殘照

夜雨偕友人進舟雲門

幾與杜爭毫釐

夜影疊中流進舟篁竹浦鳴雨來斷雷山雲濕可譜
及岍沿黑堤攫猪復愁虎燎火得緇徒怖餘澁言語
芋壚聊炙衣一笑賴尊俎

天目獅子巖

巖是高峰禪處相傳嘗爲張真人所據師爭而有之張道陵與魔爭

青城事見其傳

我昔聞真人言修不死身選地滿天下與鬼爭青城
一岫插天目宛爾怒猊獰老釋據其口黃冠復來爭
黃冠匪他人云是真人孫時曩本上聖高道超沈冥
說教雖異軌俱以退讓名區區百尺鐵青紅抹秋榮
龍女買色線一夕繡可成胡爲兩龍象角吻同蒼蠅

賦此覺蚩蚩鑒之慎勿聽

燕子磯觀音閣

起語酷似大蘇結更蕩放

青山如美人。樓觀卽奩粧。若無一片鏡。妙麗苦不昌。
茲石一何幸。值此江中央。上乘巨構支。下集帆與檣。
朱碧得水鮮。鳧鴈拂波光。煙霧不見海神去。萬里長。
我與三友俱。兼以僮僕雙。日西買市飯。半道謝驢羶。
五口將十足。蹶然餒且僵。百錢成一遊。安得甘旨嘗。
歸來乏燈燭。微雨沾我裳。沽酒不成醉。頽然倒方牀。
猶夢立閣中。遙觀大魚翔。

野火

馬血爲轉燐。人血爲野火。何爲松柏間。赤輪陟如跛。
人言鬼炬微。神者赤而大。駟導向空馳。填雲盛旗馬。
枯冢僻且荒。來遊則云那。我欲往詢之。恐卽無可話。
隔河聞於菟。黃犢夜在野。一夫呼以馳。炬滅松露瀉。
味嗽識竒才。千金買遼海。鐵翻睽秋空。駕鷺百迴敗。
雲中作戰場。韓彭鼓天外。

鷹

味嗽相應書也出雜俎

俱雄逸

馬

誰家連錢驄。秘撥黃塵起千里。一飯間。九州能有幾。健兒不得騎。淚落青芻裡。

犬

少年獵平原。左盧右宋。鵲兔起。鵲落遲。一顧先已搏。但莫空中山前頭。有湯鑊。

狸

狸雖一尺軀。猛氣制十里。有時怒一號。無牙墮梁死。安得此輩來。坐吾書匣底。

俠客

得此覺古詞為腐

結客少年場。意氣何揚揚。燕尾茨菰箭。柳葉梨花槍。為弔侯生墓。騎驢入大梁。

麗人

與太白素手青條上。並勝

何處行雲去。遙遙出洞房。月裡儻並色。鏡中無此粧。所思望不見。縞袂日邊揚。

才子

芳俊恰合

佩筆不須長。高唐侍楚王。紅蘅槩邊出。白雪口中翔。殺青供不及。一夜白瀟湘。

酒徒

古麗

御史別淳于。金釵墮長夜。五斗不濕唇。雙鬟抱壚。笑殺斗升腸。耳熱索竿蕉。

遊大尖

松茂桃復盛花

萬松滴千山。妙翠不可染。割取武陵源。固是天所遣。秦人跡無有。雲中叫雞犬。夜泊漁舟來。下山尋不見。

空上人常住。少林索作於菊下。

間雅

相逢菊花下。相映菩提光。試問少林壁。穿雲幾許長。指月莫吟手。擲拂開挂。墻睡鼾。微作吼。獅子一時降。

宗孫有別字柱南者。索賦

天柱山在城南

天柱插南雲。孤城滿蒼翠。小鳳讀書餘。內屐窺粉雉。大魚作鳥飛。風穿萬林鼻。舍北以圖南。物與人意會。念彼共工額。幸不觸斯際。不然小折傷。恐煩太皞妹。小鳳顧予言。補天吾掉臂。

上冢

調逼古

吾叔邵武公。當年與我翁。雙陪閩蜀守。竹馬走兒童。歸來知幾日。相繼歸窀穸。黃泥閉雪髭。欲會那可得。叔家城北居。高棟亦彫題。邀賓夕駐馬。爲母日烹雞。一朝桑海換。不能保子孫。負薪冢上道。養鴨水邊村。

我今六十五仍高破角巾年年上爺冢每每到孫家
孫家留我坐孫婦辦湯茶以我上冢牲啖孫且滿引
遶籬黃蝶飛抽籬高碧笋起視檐西東分簷住蜜蜂
問蜂窠幾許四十還有餘窠窠如不敗勝我十畝租

鶴攫鵲雛鷹黨翻然來救

杜蘇之間

水鳥修其脛插彼茄蕪澤俛啄蝦魚深不下三尺
况乃唼中倉可內寸鱗百江海饒此州何往不充噉
雄鵲知乳雌作室高樹末三月始罷斤是予親所炙
長脛一何褻掠雛剽其宅叔仲兩三頭自窠寧顧伯

顧鵲翁與母叫噪徒頷頷蒼鷹等路人與鵲少平日
不作鄉隣看被纓救其格特恐李陽拳難壘鳴埴額
盛邀爽鳩雄並是夷門客朱亥袖鐵錐侯贏出竒略
左右信陵軍一舉解趙壁五國破大秦九合成小白
義高誠足憐多筭亦何碩磔虺黑柏顛獨奮少犄角
猶煩拾遺歌不朽俠徒迹三復鴟鴞詩白日爲儂黑

感鷹活鵲雛事因憶曩衛衙梓巢鸛父死於弩

頃之衆擁一雄來匹其母母哀鳴百拒之雄

却盡啄殺其四雛母益哀頓以死群凶乃挾

其雄逸去 語語古雅

鶴。婆。止。一。時。古。語。亮。匪。誣。戰。門。巢。梓。者。狹。斜。挺。羅。敷。
 少。年。繫。青。絲。蹶。張。戎。侯。衙。胡。不。白。長。守。轉。殪。雪。色。顛。
 乃。向。琴。瑟。杪。落。此。貞。女。夫。群。雄。太。無。賴。挾。鯨。匹。子。都。
 有。如。惡。媒。姆。送。贅。填。門。閭。借。衣。盛。絳。蔡。叶。吹。傾。百。壺。
 玩。習。為。故。事。指。鴈。翻。濶。迂。孰。知。狹。斜。內。而。有。羅。大。家。
 賊。雄。殺。黃。口。希。以。威。怖。圖。殉。夫。義。可。族。何。計。收。其。孥。
 此。事。去。已。久。三。紀。頗。有。餘。其。時。裂。肝。膽。狂。走。日。夜。呼。
 安。得。毛。摯。俠。似。此。鷹。活。雛。弇。州。隔。幾。海。有。物。暗。高。語。

設為魚蝦所詰

啄。鵲。憎。大。鳥。無。惟。吾。子。然。從。臾。飽。蝦。魚。子。意。一。何。偏。
 鱗。即。賤。於。保。於。羽。何。擇。焉。盛。冬。水。如。石。膠。鬣。不。得。旋。
 孚。腸。急。輓。鼓。張。目。不。得。眠。芟。菰。牙。始。自。桃。花。漲。春。田。
 鬣。塊。出。纍。瑣。多。死。漁。者。筮。鱗。裸。及。鵲。鷲。較。估。誰。艱。難。
 矧。茲。網。罟。酷。百。倍。鳥。有。鷓。雛。攫。子。不。許。鱗。爛。子。許。旃。
 乃。垂。漆。園。理。奪。蟻。與。烏。鳶。等。為。一。盜。耳。何。猛。此。彼。寬。
 竊。東。子。則。許。竊。西。子。拘。鉗。波。臣。詰。如。此。而。我。難。為。言。
 衆。生。逝。吞。噬。此。業。何。時。捐。西。方。古。先。生。解。破。萬。壁。堅。

龍門儻罷躍，飛去好相參。汝或未即去，我姑代彼宣。
三戒嚴重殺五淨肉，亦權鵬飽六月息。孝先腹便便，

天竺僧

揚帆三竺，涖弭錫五羊城。黑人初以涉，琉球次所經。

波弧十五兆，日矢九千羸。初至黑人次至琉球至廣州凡涉三萬里歲三周以

孤矢筭之人疑鵬六息，彼視蠖一信。衍既隘九土，師

亦聊八垠。片楮畫大卵，沃焦瀟孤萍。劈芥內闔浮粉

塵，陋虛鄰鐵籠。臥龍象銀瀾，恬蛟鯨梵唄。隻字掃江

海，百谷臣云胡。白纒底乃有赤篆文，象胥幾何譯龍

樹。鮮恚嗔挂履，度蔥嶺跌湫。蛻巖雲投夾，叢南寺乃

借領西昆漏沙。自箭準聖水，他濤奔有為。乃復爾無

量，何由臻相色。示戲幻，接引詎勞塵。白馬幸維寺，黃

龍未演輪。薄痂阻問訊，擬待桃花春。

煩吳伯子治墓堂 大雅之作豈何李可識

火瘞世曰凶，水封豈佳卜。兩徒踰五紀，先鬼偃幽瀑。

多子為我，更我遽往京國。買石百尺餘，托子安墓卓。

子冗辦未遑，我歸上冢哭。鵝魴設未已，老稚掠豕肉。

候果墓旁見，指告蟻上燭。草設無威儀，人怠物不肅。

坐此無歡期，改燧十二木。乃三昨者賣字錢募工可
五六仍以煩吾子，歇百了一役。

旱禱十七韻次陳長公詩亦逼蘇長公數篇

俱峭絕

旱魃虐以猖商羊，乃深避雲漢夜。昭囿遵彼槁條肄，
絕意豕涉波。必死蚌持翠，蜥蜴山澤窮。殺豨屠買致，
黃緇逝明詛。玄冥等聾聵，如聞柴望禋。感通有精義，
洪疇做恒陽。絲露肅常饋，商林沃乃深。秦天豈終醉，
壇今隣閭闔。闔亦撤幽閔，雷吏綠章封。寧有不達字，

油然未崇朝。沛爾倏濡遂，虎貓效蜡勞。豐隆讐群崇，
連臂解桔槔。極目醒枯悴，歌帝悅穰穰。報典虔惓惓，
窶人無農憂。連夕美涼寐，農獲譬中行。美寐猶其次，
糴賤勝作農。先生有酒食，

陳長公餉日鑄茶瓦窰港銀魚白下法炮巨鼈

夜酌深談次其韻

日鑄標槍芽，月團捲旗避。織甲赭舊條，柔針綠新肄。
瓦窰五寸銀，脊色偃微翠。雙裙謔可談，九肋底能致。
伯云準食醫，治以聰我贖。斟炮法內京，酌長非外義。

珍此五侯鯖，慚余十漿饋。主旣唱無歸，客顧稱未醉。
 階蟲先秋吟，徑竹上霄闕。叔夜寂鳴琴，子雲寥問字。
 待扣匪洪鐘，立涸是盈遂。泗鼎曠沈淪，神姦恣精祟。
 伍員終鴟夷，三閭竟憔悴。白駒返谷空，黃鳥臨穴惴。
 千古究何窮，再燭不能寐。曲禮問更端，梵詮編復次。
 伯榼旣已空，吾出吾簞食。伯子近稍重聽
 修拄杖首修髮，網膠漏磁壺。及哥窰甌某亦病。

隻耳聾次前韻

猾器幸自殘，黠絲巧規避。辟諸鞅掌人，彼逸此獨肆。

一竹楚啼頰，雙磁越窰翠。物非人易求，道遠我難致。
 無丞有重聽，髮覆彌黨贖。約髮無紀綱，晨帳缺宋義。
 握粟付駿工，寧減朝食饋。詎意彼駿者，無往不舜醉。
 編纓高箱塵，馬尾枯橐閱。踉蹌攢八針，邀呼輸四字。
 浪言伏卵清，竟滌下流遂。櫛束起鬢鬆，嘲呼免魑祟。
 竹返磁亦歸，黠補色終悴。注瓦智靡昏，捧玉神若惴。
 甌破視何益，囊空臥安寐。辱卽寵爲下，老子云寵辱若驚爲下孔
 云其次辟色色卽禮貌之衰也。其下則饑餓受周近不交矣。辟乃色最次屠門盛
 豕交寧爲愛而食。

早甚久不應禱再追前韻

祝融黨義輪玄冥引車避課窮。燧人蘇徵及棗杏肆。
轍鮒槁厥頰壇殺禿其翠走索華陽連沈瘦永難致。
竟辜燒尾恩翻仇聽角贖玩愒如不聞曠瘵秉何義。
余齋廢酒沽朋祭阻肉饋方嗤澤畔醒敢思河朔醉。
承風獨有雌納月幸無閼哽哽向隅悲咄咄作空字。
朝廷聞客云宵鋤盜隣遂雲密不東郊棘孽復西祟。
昨子凜今靡舊殍理新悴漸少播乞驕而多褐夫惴。
待盡歌有爰無叱祈尚寐感此疾威旻遣以競病食。

送友人

清佳

寒風夜中起游子朝作客。河流一尺冰屋瓦三寸雪。
君把轡與鞦觸手冷於缺此時山中人覆絮敗毛褐。
欲寄寄莫由此意共誰說。

送王雪漁北上

通篇快論中數語更豪雋

淮陰所佩劍不審值何許佩劍以釣魚於義亦何取。
一日幾垂竿竿竿可幾鯉叶乃至捐漂廚庸以益漁。
腑我取魚之劍聊略爲漁估呂卽非百金資可易數月。
黍漁也智絕倫何獨昧茲舉腸乞可爲劍去何所。

仗之楚復之漢。漁並仗劍往。所以負漁竿。跟蹤見劉。項。猝辦恐後時。載質先出疆。叶上王郎不釣魚。故亦無竿餌。聞郎所持竿。貫以山中紫毫。長一寸餘。竿只五寸止。居則南狎越。行則北聳燕。淮陰劍三尺。郎劍五寸。縣歸來報千金。漂母是何人。封侯劍不取。却取釣竿親。

吳季子餉我細腰壺蘆石上芝

葫蘆老細腰。乃似細腰女。卽令楚宮來。今亦不堪舞。我聞方外醫。庸以盛藥丸。梧子及魚眼。可容百萬千。老圃畜蔬種。亦夠一項田。我既醜醫帳。亦復少蔬所。擬挂於扶老。支吾五岳顛。心強足不健。終歲掩帳眠。止取作蒸鵝。聊以謔客涎。

又 幽沈古雅

芝朶雖不潤。芝色堅且古。根鬚絡拳石。如筋蝕臂股。絡古不復脫。初芽寧藉土石色。既已黃。芝紫亦稍嫵。有如意。魁梧狀貌。乃婦女。穀城弔老人。淚下潛如雨。置我筆。研間長。與留侯語。

大寒嶺啖新胡桃頻婆諸果

北游作

奇想

後漢書卷四
天險既已異地產應亦殊胡桃及平波朱碧明椒隅
入夏而徂秋葉翠尚不渝但少鳥與雀而多羸與驢
易水非不邇灤河不爲迂但求一寸鱗如海求猿狙
遙想燕太子食客焉得魚以知荆高徒日嚼羊與猪
猛風增食肉嗔憤易睚眦慷慨赴秦庭不復顧其餘
乃緣謀略短豈真劍術踈舞陽一豎耳何乃與之俱
哀哉樊將軍空割一隻顱國有千乘大能用王可圖
乃恃五寸鐵爲計亦何愚

往馬水口宿煙麓陀庵

昔從良涿行茲山在雲際昨夕宿茲山雲乃出衣袂
四徒夾一輿兩膝奉至鼻一里轉百盤鋸牙不得直
結葦以爲廬削木冒金警夜鐘但超懸晨雞聊一噉
巉巖旣高竊噴岫復孤厲匪思燕趙時築城遏胡騎
安得盡如斯脫甲開戶寐

湘竹一妙管付截壞其頂文

快喻

武侯敗銜亭馬謖違節制兵類迥不同大小俱是事
茲管湘中來百中其一耳有如玳瑁魚腦血徑彈子
又如鷺與鶴頂發楊梅紫全體匪不華獨此猶覺異

詎可拘尺寸。但須存紋綺。畏炎不得行。付托昧厥旨。
舉刀一鏗然。顛落不可止。持歸以復予。魚鶴不成理。
對之一捧腹。削圓方竹比。

口中

口中萬吞吐。莫道一俗字。芻豢離喙脣。冰雪滿牙齒。
身中百所爲。亦莫涉一俗。但爲鸞鶴翮。暮卽雲霞宿。
有斤不削人。有繩不直木。淤泥填大千。荷葉自抽綠。
從此戒爾後。慎莫蹈往覆。有如垂教言。斷舌肘其足。

騶虞

騶虞生猛虎。鳳凰產梟鷲。二聖有朱均。太虛亦青瑩。
織織妙膚理。盎然長疣贅。梗楠固鴻材。鍾斛癭其際。
橘柚匪不甘。豪蝟匪芒刺。美惡一何殊。胎孕乃非二。
越雞伏鵠卵。變之苦無計。果羸秉何神。蝟蠅乃能似。

曇陽

作頌偈觀

曇陽一髻左道人。三朶花誰云。只是你安知。不是我
大海徹听冰。小生沒處躲。

又

聞道居縣竹。看來幻落花。團團輪北斗。處處種西瓜。

遍地皆祇樹何方不落伽

又

無鼻無眼孔有頭有尾巴蛟龍大蠃蜒蝌蚪小蝦蟆

一結生百結百些無一些

又

將軍騎健馬稚子打慈鴉各奔前程路都來暮鼓衙

同舟迷敵國驀面認通家

又

何事移天竺居然在太倉善哉聽白佛夢已熟黃梁

托鉢求朝飯敲鑼賣夜糖

又

明知騎竹鳳還道媚妖蛇可恕者落帽難饒者脫靴

一靈生滅已百吹是非耶

又

男女兼黃白丁寧囑再三特將鐵掃帚痛掃世媻貪

竊幸師與我不異青與藍

又

火龍長九九泥蛇八十一一物而兩呼兩呼只一物


將泥認外蛇見蜂硬割蜜

又

好人不在世惡人磨世尊聰明管自己闖穴任乾坤
遺命云聞帝多應是嚇人

又

獅子吼未歇蝴蝶霎已來衆生自矇矓抵死致疑猜
認賊由他去謗佛何爲哉



徐文長文集卷之四

終

